

Ukulangishiwa Kwakwa Messia

11 Abena Korinti 4:6, “E ico ni Lesa, e wasosele ati uluubuto nalu balike ukufuma mu mfimfi, e wabalikile mu mitima yesu, ukuti tubutishe ku bantu ukwishibo bukata bwa kwa Lesa mu cinso ca kwa Yesu Kristu.”

Icebo e Messia. Mulecetela cilya? Cisuma, **ukulangishiwa ukwa Cebo** lyena ni cinshi? **Ukulangishiwa kwa kwa Messia**, ico icili Mupashi wa Mushilo pakati kesu. Ena aleilangisha Umwine, ukweshu ukucita, **ukuli konse uko Ena engasanga inyali iyo Ena engalolekeshamo, iyo ishakantaikwa ne fyushi fya fisumino ne fintu.** Ena kuti abikamo Uluubuto (*Mateo 5:14-16*).

Bena bali mutanike Wene (Yese Kristu), kabili pano “bena” nakabili balecita icintu cimo cine, pantu Ena e Cebo. Ena e kulangisha fye ukwa Cebo. **Kabili filya e fyo Ena ali ilelo, ukulangishiwa kwa Cebo, ukweshu ukusanga umuntu umo emo enga monekelamo Umwine.** [1]

Munyina Branham atile:

Nalikwata cibusa wandi umusuma kunse kulya uleshimikila ilya imbila: Pentecostal, kulya ukweba abantu, ukweshu ukwampanya ulukuta capamo, ukusosa ukutla ifwe tulingile ukwisa muli ici, uku ukusela kwa ecumenical. Ifingi ifi ifilonganino ifyo ifishitetekela nangula mu kufyala kwa kwa na cisungu, na fyonse ifi fintu ifya pusana pusana, kabili bonse baba kuli cilya. **Babili kuti baenda shani capamo kano fye basuminishanya?** Lyena, mwatila, “Ameni” kuli

cilya, ndesunguka pali ici nomba: Lyena musangonshi umuntu engasosa ukutla ena Mwinakristu kabili uwaisushiwa na Mupashi wa Mushilo, kabili no ku kana ukutla cilye Cebo caba cimo cine mailo, ilelo, no muyayaya? **Mupashi wa Mushilo muli imwe ali no ku suminisha cilya Cebo, Icebo conse, “Ameni. Ameni. Ameni.”** Ilyo Icebo casosa icintu icili conse, mwatila, “Cilya Cishinka.” Ameni. Pa mulandu mwali suminishenye ne Cebo. Mwali suminishenye na Lesa. **Imwe na Lesa mwaba umo. Lesa ali muli imwe.** Imwe muli mwana Wakwe umwaume atemwa umwana Wakwe umwanakashi, **cilalenga imwe ukuba messia kuli Wene, Icebo icasubwa ukwikala muli imwe.**

Mpeni Ulukuta **ulo ulwasubwa umupwilapo na Lesa mpaka umulimo uuli onse no kusela ni EFYO ASOSA SHIKULU, mulya mwine mu Bukata bwa Shekinah, nalakulangisha Messia** (uyo uwasubwa na Lesa) ukwiminina pe sonde. [2]

Kabili ndebilisha kuli imwe ukutla Kristu e Mupashi wa Mushilo. **Icebo “Kristu” cipilibula “uyo uwasubwa.” Umuntu fye uwasubwa, ulya ni Kristu, uyo uwasubwa** (*Yohane 1:41; 1 Yohane 2:22*). Nibanga abaishiba ukutla cilya cinshinka? Kulya e kwilula. Uyo uwasubwa, kukaba umuntu uyo ukasubwa: ukusubwa na cinshi? Baibele itila mu Milimo ya Butumwa 10:38 ukutla Yesu wa ku Nazareth, Umuntu uwashininkishiwa na Lesa, uwasubwa na Mupashi wa Mushilo, aile aleenda no kubomba imilimo ikalamba ne fintu, ukutla Lesa alimonekele, ashininkishe ukutla Ena ali muli uyu umwaume.

Kabili nomba, tulesamukuba abasubwa no Mupashi umu wine, ba messia abasubwa, ba messia ba bushiku bwakulekelesha ukulangisha ukubuka ukwa kwa Yesu Kristu, ukulangisha ukutila Ena tafwa iyo; lelo mu musango wa Mupashi wa Mushilo Ena ali mu bantu Bakwe, ukwenda mukati ka kwa Nabwinda Wakwe ne micitile ya kutemwa kuli Ena, **ukuipongolwela muli Wene, Umwine.** Baleba umu ku mulalilo wa bwinda; kabili ifishibilo fimo fine, ukulaiwa na Lesa umu wine, mu cebo cimo cine, Ena alemonekela imisango imo ine. [3]

Lolekesheni, Enoch ali Icebo cakwa Lesa ica mweo munshita yakwe; ena ali ni kasesema. **Kasesema e cilola cakwa Lesa.** Nibanga abaishiba cilya? Icilola taciilangisha icine; icilola tacaba cilya icilelangishiwa. Kulingile kwaba icintu cimo ukuikasha icilola ukulenga cena cilangishe. **E ico kasesema** e cipe icasalwa ica kwa Lesa ico icishingalangisha nangu cimo nakalya, lelo **ena ali mu mushilwa na cilya icilelangishiwa, Lesa, ukulangisha icipasho cakwa Kristu Icebo;** takuli nangu cimo icingacita. **Imwe muli icilola; ulya e mulandu wine kasesema alile ibuku.** Ulya e mulandu wine ena alile umufungilo (*Ukusokolola 10:8-11; Esekiele 3:1-3*). Ena ali no kulangisha cilya Cebo ica ilya inshita. Mwaumfwa?

Moneni Enoch, icilola cakwa Lesa ica pwililika mu cipasho. Ilyo Lesa apwishishe uku mubomfya, Ena amwalwile fye, amusendele ku mulu. Ifibombelo ifyo alangishe fyaishileba amaka no Mupashi, no ku mutwala ku mulu (*Abahebere 11: 5-6*).

Cimo cine mu nshiku sha kwa Elisha. Elisha, nangula ku mafupa yakwe, kwali kulya ukulangishiwa... **Ukulangishiwa kwakwa Lesa mu mubili wa kwe** ukulenga uku monekela Icebo ca kwa Lesa. Bena ba bikile umuntu uwafwa pali wene; aishileba no mweo nakabili (*11 Ishafumu 13:20 -21*).

Ifwe tuli umunofu ne fupa Lyakwe, ilyo lyonse ifwe tuli Nabwinga wa kwa Kristu (*Abena Efese 5:30-32*). Mulecetekela cilya? Cisuma. Ena alitufwilile. Kabili ifwe tulafwa fwebene no kushikwa mwi Shina Lyakwe (*Abena Roma 6:1-5*), ica kutila ifwe tekuti tube nakabili aba mwisonde, lelo muli Wene, ico icaba indupwa shonse shibili mu mulu shainikwa kuli Yesu Kristu. Ico cili Abena Efese 3:14-15. Pantu shonse shibili indupwa mu mulu na pe sonde... Ni cinshi ulupwa lwa mu mulu lwainikwa? Yesu. Ni cinshi ulupwa lwa pesonde lwainikwa? Cisuma, ilya ni ng'anda yakwa Lesa apaba Umulopa. Bushe ico cinshinka? Ulya e mwinshi, ilya e mpongolo, ilya e ncende Ena abikilemo ishina Lyakwe, kabili Icebo calengelwe ubuntunse no kwikala mukati kesu (*Yohane 1:1-2,14*). **Cena caba Icebo ukulangisha no kwa mbusha inshita iyo muleikalamo.** Filya efyo Ena ali; filya efyo Mose ali; filya efyo Yakobo ali; filya efyo abashala muli bena bali: ukwambusha cilya Cebo ca kwa Lesa, ukulangisha Lesa ukutla Lesa aleilangisha Umwine. **Kabili aishile kuli cilya Icipasho cakwa Lesa ica pwililika, Yesu Kristu** (*Abena Kolose 1:13-15*), **iciputulwa icawamisha ica kwa Lesa;** cali uminwe pa kutila Ena enga senda abashala muli bena ukuba Nabwinga uwa kulangisha Wene.

Mose ali Wene. Yoshua ali muli Wene. **Kabili nga imwe muli muli Wene, imwe mwali muli Wene ilyo umufula we sonde taulalengwa** (*Ukusokolola 13:8*),

ulupwa lwa kwa Lesa; imwe mwaliculile pamo Nankwe; imwe mwafwile pamo Nankwe; imwe mwaile pa lupanda pamo Nankwe; mwalibukile pamo Nankwe; kabili nomba imwe mucili pamo Nankwe, ukwikala mu ncende sha mu myulu (*Abena Efese 2:6*), **ukulangisha Imbila iya nshita kwi sonde, Ulubuto lwe sonde.** “*Nimwe Lubuuto ulwa pano isonde*” (*Mateo 5:14-15*), lelo nga lwa lifiswa ku cipe cacilonganino, musangonshi bali no ku lumona Lwena? Ku ntambi shenu, mulalenga Ulubuuto uku kana kwata amaka. [4]

Ukulangishiwa kwa bombele inshita ya buko mu kulungamikwa muli Luther, elyo kwa ishileba ukushishiwa muli Wesley. Kabili ukushishiwa kwa bombele inshita yabuko mpaka kwaishile ulubatisho lwa Mupashi wa Mushilo. **Kabili ulubatisho lwa Mupashi wa Mushilo lwa libomba inshita yabuko mpaka Mupashi wa Mushilo (icili kwaba fye Lesa umo) ulengila mu lukuta, atemwa ulukuta muli Kristu, ico cilenga Yesu Kristu ukulangishiwa pe sonde.** Ni cilya ico Ena alaile muno muli Baibele. [5]

Nomba, kwaliba Inshila, iya sanguluka, Inshila iya mushilo (*Abahebere 10:19-22*), **Incende fye yeka iyo Lesa ali no ku kumanya imwe.** Te pa mulandu musosa, “Lesa, nomba, ndi Methodist musuma. Ndi Baptist musuma. Ndi Pentecostal musuma.” Iyo. **Pa mulandu mwaba muli Yesu Icebo, icilundwa ca Cebo ico icilelangishiwa ilelo, Imbila ya buno bushiku,** te Luther, Wesley, Pentecostal; **lelo Yesu wenu, ukulangishiwa,** uyo uwa isa muli ici. Imwe teti mubwelele kuli cilya; cilya kulunda intuntumushi ku Mukate wenu wa mushilo, ukutula, “Umuntu akaba no

mweo ku Cebo conse icifuma mu kanwa ka kwa Lesa mu nshita ya cena” (Mateo 4:4). [4]

E ico ifwe –ifwe na twishiba ukutila twaba pano mu musango **wa cishili icituntulu**. Kabili ilyo lyonse ilyo kuli icishili icituntulu, kulingile kwaba icituntulu. Te kuti kube icishili icituntulu ukwabula icituntulu, ni pa mulandu wa cituntulu ico cilenga icishili icituntulu. Kwati imwe mwali kwete icikope cimo icishili icituntulu ica cipe cimo. Kulingile kwaba icipe ku cifulo cimo, atemwa ukwi Kashiwa, ulubuuto lulekasha mulyo mwa ku mwena, nga te ifyo tekuti kube nangu cimo- nangu cimo icishili icituntulu. E ico ilyo twamona ukutila ubumi bwesu pano buli mu cishili icituntulu no kwishiba ukutila tuli mu cipasho cimo ca bumi bumo ku cifulo cimo, lyena twalishiba ukutila kuli **icituntulu** ku cifulo cimo uko lubuuto lwaikeshe, kabili na cilangisha icintu cimo pano pe sonde. **Kabili ifwe twaba fye kulya ukulangishiwa**. Icipe icine cine cili ku cifulo cimo. Nga cilya ta cili fyo, ndi muntu uwa bipisha uwa bepwa mwi sonde; na likala ubumi bwandi apafye. Lelo na lishiba ukwabula ukutwishika nangu kumo ukutila kwaba kulya. Ulya e mulandu wine tubelele pano. [6]

Pano, nge fyo lyonse nsosa, nali cetekela, mu lukuta muno, muliko icapala nge ciunda muno; muno mwikala ifibumbwa ififwa. Kabili cila umo aba muli ili ibumba ilya milandu, iya mfimfi no kufita. Abena kufwa bekala umu. **Nomba, bena limbi bongolwa ukufuma ulu lubali atemwa ukufuma kulya lubali**. Imwe teti mube pano icibumbwa ica bu Mupashi, umubembu atemwa uwa Mushilo, **ukwabula ukwata ukongolwa ukufuma**

mwi sonde ilya pe samba atemwa ukufuma mu calo ca ku mulu (*Abena Filipi 2:9-11*). Nga imwe mulongolwa ukufuma uku, imwe mwafuma ku mulu. **Umubili wenu wa mu mulu ulelolela pano.** Lelo nga muli imbifi, kabili bumbimunda, kabili uwa fikansa, umubili wenu uwa mu mulu uli panshi apa, te mulandu umusango mutontonkanishishamo uli ku mulu kulya; **pa mulandu ifisabo ifyo mutwala ku cinso ca bantu cilangisha uko mwafuma** (*Mateo 7:16*). E ico imwe muli pano ifyo mwaba ku cifulo cimbi. **Ubumi bwenu ubo mwikala pano ulangisha fye ico icaba icabupyani cenu ilyo mwa fuma pano.** Bushe muleumfwa?

Ifwe tuli ino ine inshita (owe, ilyo natontonkanya pali cilya)-**ifwe ino ine inshita tuli abacindamikwa u Mulola wa kwa Lesa** (*Abena Roma 8:28-30*), abacetekela aba fyalwa cipya cipya, “*pantu nge hema ili ilya panonse lyaonaika, na tukwata imo iletulolela mu bukata,*” te ku cifulo cimbi, kulya kwine kalekale ilelolela nomba (*Yohane 14:1-3*). **Kabili iyi imibili iya panonse iletetela ukufwikwa na cilya ici shifwa** (*Abena Roma 8:22-23*). Bushe ico cinshinka? Ubulwele no kucushiwa, no kukalipwa, ne fya kupapushiwa, ne fya kukalifya umutima, kabili... Owe, ndi uwa nsansa ilyo ing’anda iyakale iya bulwele ikesa isalwa, bushe tamwakabe? Ee, mukwai. Ifwe kuti twaya ku mushi. [7]

Ngefyo nasosele mukutendeka, **ifyo muli ku cifulo cimbi e fintu mulelangisha pano.** Ifyo mwaba, ifyo umubili wenu uwa mu mulu atemwa uwa panonse ushibola uli kulya lubali, ifyo umubili wenu uwa mu mulu uli ku cifulo cimbi **eco mulelangisha kuno lubali. Mucalo ca mupashi, ifyo mwaba, efyo muli pano.** Nga imwe mucili abakowela mu mano kabili na fimbipo mu

calo ca mupashi, imwe muli abakowela mu mano pano. Nga imwe mucili mwalikwata ulupato, akalumwa, ne fikansa, imwe muli mu calo ca mupashi na cilya, cilangisha kuno lubali. Lelo nga muli umuntu onse uwa mukati uwa sambwa kabili aba sanguluka, cilangisha ukutila mwalikwata umubili kulya lubali ulelolola, uyo uwasambwa no kusangululwa kabili ulemonekela mu mubili. Bushe ta mulemona? Mwamona, ici icili apa. *“Nge hema ili ilya pa nonse lyaonaulwa, natukwata kale limo ililelolola”* (11 Abena Korinti 5:1-4). Mwamona? [8]

Owe, ifyo cabe cine!

Umwakumona;

- [1] “Ukupela Umulandu” (63-0707M), par. 183/116-117
- [2] “Mutila Uyu Nani?” (64-1227), par. 124+138
- [3] “Icitetekelo Icapwililika” (63-0825E), par. 154-155
- [4] “Incende Fye Yeka Iyapelwa Na Lesa Iya Kupepelamo” (65-1128M), par. 267-271, 278
- [5] “Pali Umuntu Pano Uwingasha Ulubuto” (63-1229M), par. 187
- [6] “Iciputulwa Icaamisha” (64-0705), par. 11
- [7] “Amepusho Na Masuko” (54-0110E), COD- Book pg. 111-112, par. 37-38
- [8] “Amepusho Na Masuko” (54-1003M), COD-Book pg. 71-72, par. 78